



**საქართველოს მთავრობის  
დადგენილება**

№151 2015 წლის 3 აპრილი ქ. თბილისი

**„სოფლის მხარდაჭერის პროგრამის დამტკიცების შესახებ“  
საქართველოს მთავრობის 2015 წლის 19 თებერვლის №67 დადგენილებაში  
ცვლილების შეტანის თაობაზე**

მუხლი 1. „ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, „სოფლის მხარდაჭერის პროგრამის დამტკიცების შესახებ“ საქართველოს მთავრობის 2015 წლის 19 თებერვლის №67 დადგენილებაში ([www.matsne.gov.ge](http://www.matsne.gov.ge), 20/02/2015, 340170000.10.003.018452) შეტანილ იქნეს ცვლილება და დადგენილებით დამტკიცებული სოფლის მხარდაჭერის პროგრამის მე-4 მუხლი ჩამოყალიბდეს შემდეგი რედაქციით:

**„მუხლი 4. პროგრამით გათვალისწინებული თანხის ათვისების პროცედურა**

1. პროგრამით გათვალისწინებული თანხის გადარიცხვა შესაბამისი მუნიციპალიტეტის ბიუჯეტში ხორციელდება საქართველოს ფინანსთა სამინისტროს მიერ, საქართველოს მთავრობის განკარგულების საფუძველზე.
2. ამ მუხლის პირველი პუნქტით გათვალისწინებული თანხის მიზნობრივად და ეფექტიანად გამოყენებაზე პასუხისმგებელია შესაბამისი მუნიციპალიტეტი.

3. 2012-2014 წლებში, შესაბამისი წლის სოფლის მხარდაჭერის პროგრამის ფარგლებში, მუნიციპალიტეტების ბიუჯეტებში დარჩენილი თანხა შესაძლებელია, გამოყენებულ იქნეს ამ პროგრამის მე-3 მუხლის პირველი პუნქტით განსაზღვრული ღონისძიებ(ებ)ისათვის, ამ პროგრამით დადგენილი წესის შესაბამისად.

4. „სახელმწიფო შესყიდვების შესახებ“ საქართველოს კანონის 10<sup>1</sup> მუხლის მე-3 პუნქტის „დ“ ქვეპუნქტის საფუძველზე, სახელმწიფოებრივი და საზოგადოებრივი მნიშვნელობის ღონისძიების შეზღუდულ ვადებში შეუფერხებლად ჩატარების მიზნით, მუნიციპალიტეტი უფლებამოსილია, პროექტების განსახორციელებლად სამუშაოების, საქონლისა და მომსახურების სახელმწიფო შესყიდვა განახორციელოს გამარტივებული შესყიდვის საშუალებით, ამ პროგრამით დადგენილი მოთხოვნების გათვალისწინებითა და საქართველოს კანონმდებლობით დადგენილი წესით.

5. ამ მუხლის მე-3 პუნქტით განსაზღვრულ შემთხვევაში, მუნიციპალიტეტი უფლებამოსილია, გამოიყენოს ამ მუხლის მე-4 პუნქტით განსაზღვრული შესყიდვის საშუალება.

6. მუნიციპალიტეტი უფლებამოსილია, გამოიყენოს ამ მუხლის მე-4 პუნქტით განსაზღვრული შესყიდვის საშუალება იმ შემთხვევაშიც, თუ პროექტის ღირებულება, ამ პროგრამის ფარგლებში, მუნიციპალიტეტისათვის გამოყოფილი თანხების გარდა, დაფინანსდება მუნიციპალიტეტის ბიუჯეტიდან არა უმეტეს 50%-ით.


7. ამ პროგრამის მე-2 მუხლის მე-7 პუნქტით განსაზღვრულ შემთხვევაში, მუნიციპალიტეტი უფლებამოსილია, სახელმწიფო შესყიდვა გამარტივებული შესყიდვის საშუალებით განახორციელოს მხოლოდ იმ შემთხვევაში, თუ პროექტ(ებ)ის განსახორციელებლად სამუშაოების, საქონლისა და მომსახურების სახელმწიფო შესყიდვის ღირებულება არ აღემატება 50 000 (ორმოცდაათი ათასი) ლარს.



8. „სახელმწიფო შესყიდვების შესახებ“ საქართველოს კანონის 101 მუხლის 3<sup>1</sup> პუნქტის საფუძველზე, ამ პროგრამის მე-2 მუხლის მე-7 პუნქტით განსაზღვრულ შემთხვევაში, თუ პროექტ(ებ)ის განსახორციელებლად სამუშაოების, საქონლისა და მომსახურების სახელმწიფო შესყიდვის ღირებულება აღემატება 50 000 (ორმოცდაათი ათასი) ლარს, მუნიციპალიტეტი უფლებამოსილია, სახელმწიფო შესყიდვა განახორციელოს გამარტივებული ელექტრონული ტენდერის მეშვეობით.“.

მუხლი 2. დადგენილება ამოქმედდეს გამოქვეყნებისთანავე.

პრემიერ-მინისტრი



ირაკლი ღარიბაშვილი

# საქართველოს მთავრობის

## დადგენილება №67

2015 წლის 19 თებერვალი

ქ. თბილისი

### სოფლის მხარდაჭერის პროგრამის დამტკიცების შესახებ

მუხლი 1

„საქართველოს 2015 წლის სახელმწიფო ბიუჯეტის შესახებ“ საქართველოს კანონის მე-18 მუხლის მე-3 პუნქტის შესაბამისად, დამტკიცდეს თანდართული „სოფლის მხარდაჭერის პროგრამა“.

მუხლი 2

დადგენილება ამოქმედდეს გამოქვეყნებისთანავე.

პრემიერ-მინისტრი

ირაკლი ღარიბაშვილი

### სოფლის მხარდაჭერის პროგრამა

მუხლი 1. სოფლის მხარდაჭერის პროგრამის დაფინანსების წყარო

1. სოფლის მხარდაჭერის პროგრამის (შემდგომში – პროგრამა) დაფინანსების წყაროა „საქართველოს 2015 წლის სახელმწიფო ბიუჯეტის შესახებ“ საქართველოს კანონის მე-18 მუხლის მე-3 პუნქტის შესაბამისად, „სოფლის მხარდაჭერის პროგრამისათვის“ გათვალისწინებული ასიგნებები.

2. პროგრამის განსახორციელებლად, საქართველოს 2015 წლის სახელმწიფო ბიუჯეტში გათვალისწინებულია 50 000 000 (ორმოცდაათი მილიონი) ლარი.

3. შესაძლებელია, პროგრამის ფარგლებში განსახორციელებელი პროექტების თანადაფინანსება საერთაშორისო ან/და დონორი ორგანიზაციების ან/და მუნიციპალიტეტის ბიუჯეტის, ასევე, საქართველოს კანონმდებლობით ნებადართული სხვა სახსრებით.

მუხლი 2. პროგრამით გათვალისწინებული თანხის გამოყოფის პროცედურა და პრინციპები

1. საქართველოს რეგიონული განვითარებისა და ინფრასტრუქტურის სამინისტრო (შემდგომში – სამინისტრო) მოსახლეობის რაოდენობის თაობაზე მუნიციპალიტეტებიდან მიღებული ინფორმაციის საფუძველზე (გარდა, მუნიციპალიტეტების ადმინისტრაციული ცენტრების მოსახლეობისა), ახორციელებს თითოეული მუნიციპალიტეტისათვის გამოსაყოფი თანხის გაანგარიშებას.

2. სამინისტრო ამ მუხლის პირველი პუნქტით გათვალისწინებული თანხის გაანგარიშებას ახდენს შემდეგი პრინციპის დაცვით:

ა) 1-დან 200 სულის ჩათვლით დასახლებისათვის - 4 000 ლარი;

ბ) 201-დან 400 სულის ჩათვლით დასახლებისათვის - 5 000 ლარი;

გ) 401-დან 1 000 სულის ჩათვლით დასახლებისათვის - 8 000 ლარი;

დ) 1 000-ზე მეტსულიანი დასახლებისათვის - 12 000 ლარი.

3. სამინისტრო, ამ მუხლის მე-2 პუნქტის საფუძველზე თანხის გაანგარიშების შემდეგ, ამ პროგრამის პირველი მუხლის მე-2 პუნქტით გათვალისწინებული თანხის ნაშთს ანაწილებს ერთ სულ მოსახლეზე გაანგარიშებული პარცენების მიხედვით. აღნიშნული მარცვნილები იანგარიშება დასახლების მოსახლეობის რაოდენობისა და



11, 9147117 კოეფიციენტის ნამრავლით.

4. სამინისტრო, ამ მუხლის მე-2 და მე-3 პუნქტების საფუძველზე მუნიციპალიტეტისათვის გამოსაყოფი თანხის გაანგარიშების შემდეგ, ამზადებს შესაბამის ინფორმაციას, რომელშიც აისახება მუნიციპალიტეტების მიხედვით, გამოსაყოფი თანხის რაოდენობა და უზრუნველყოფის საქართველოს ფინანსთა სამინისტროს.
5. საქართველოს ფინანსთა სამინისტრო, ამ მუხლის მე-4 პუნქტით გათვალისწინებული ინფორმაციის საფუძველზე, ამზადებს საქართველოს მთავრობის განკარგულების პროექტს და განსახილველად წარუდგენს საქართველოს მთავრობას.
6. საქართველოს მთავრობის მიერ განკარგულების მიღების შემთხვევაში, მუნიციპალიტეტის საკრებულო, მუნიციპალიტეტის გამგებლის წარდგინებით, დასახლებების მიხედვით, მოსახლეობის რაოდენობის გათვალისწინებით, ანაწილებს შესაბამისი მუნიციპალიტეტისათვის გამოყოფილ თანხას.
7. „საქართველოს 2015 წლის სახელმწიფო ბიუჯეტის შესახებ“ საქართველოს კანონის მე-18 მუხლის მე-4 პუნქტის შესაბამისად, საქართველოს რეგიონებში განსახორციელებელი პროექტების ფონდის ფარგლებში „სოფლის მხარდაჭერის პროგრამისათვის“ გათვალისწინებული ასიგნებებიდან მუნიციპალიტეტისათვის გამოყოფილი თანხა ან მისი ნაწილი, შესაბამისი მუნიციპალიტეტის საკრებულოს გადაწყვეტილების არსებობის შემთხვევაში, შესაძლებელია, კონკრეტული სოფლის ნაცვლად გამოყენებულ იქნეს მუნიციპალიტეტის ტერიტორიაზე ინფრასტრუქტურული პროექტების დასაფინანსებლად.
8. მუნიციპალიტეტის საკრებულოს მიერ გამოყოფილი თანხის ოდენობის თაობაზე მოსახლეობის ინფორმირებას, მუნიციპალიტეტის ადმინისტრაციულ ერთეულში, გამგებლის წარმომადგენლის (შემდგომში - წარმომადგენელი) ან სხვა უფლებამოსილი პირის მეშვეობით, ახორციელებს მუნიციპალიტეტის გამგებელი.
9. კონკრეტულ სოფელთან მიმართებაში თანხის ხარჯვის მიზნობრიობა დგინდება ამ პროგრამის მე-3 მუხლით განსაზღვრული მოთხოვნების შესაბამისად, მხოლოდ, მოსახლეობასთან წინასწარი კონსულტაციის შემდეგ, ხოლო, ამ მუხლის მე-7 პუნქტით გათვალისწინებულ შემთხვევაში - ამავე პუნქტით დადგენილი მოთხოვნის შესაბამისად.
10. წარმომადგენელი ან სხვა უფლებამოსილი პირი ორგანიზებას უწევს სოფლის მოსახლეობის კრების გამართვას, აწყობს საჯარო განხილვას და სოფლის მოსახლეობის კრების მონაწილეთა უმრავლესობის გადაწყვეტილებით, სოფლისათვის გამოყოფილი თანხის ოდენობის გათვალისწინებით, ადგენს პროგრამით სოფლისათვის გამოყოფილი თანხის გამოყენების მიზნობრიობას, რაც აისახება სოფლის მოსახლეობის კრების ოქმში.
11. სოფლის მოსახლეობის კრების ოქმს წარმომადგენელი ან სხვა უფლებამოსილი პირი წარუდგენს შესაბამისი მუნიციპალიტეტის გამგებელს.
12. მუნიციპალიტეტის გამგებელი ამზადებს ინფორმაციას, დასახლებების მიხედვით, შესაბამისი პროექტების დასახლებებისა და თითოეულ პროექტზე საორიენტაციო თანხის შესახებ, რომელსაც უთანხმებს სამინისტროს.
13. საჭიროების შემთხვევაში, მუნიციპალიტეტის წინადადებით, ამ მუხლის მე-12 პუნქტით გათვალისწინებულ შეთანხმებულ ინფორმაციაში ცვლილება ხორციელდება სამინისტროს თანხმობით, ამ პროგრამით განსაზღვრული წესის დაცვით.
14. ამ მუხლის მე-7 პუნქტით გათვალისწინებულ შემთხვევაში, პროექტი შეთანხმებულ უნდა იქნეს ამ მუხლის მე-12 და მე-13 პუნქტების შესაბამისად, ამ პროგრამით განსაზღვრული წესის დაცვით.

### მუხლი 3. პროგრამით გამოყოფილი თანხის მიზნობრიობა

1. პროგრამით გამოყოფილი თანხა უნდა მოხმარდეს ადგილობრივი მნიშვნელობის ინფრასტრუქტურული ობიექტების მშენებლობას, რეაბილიტაციას ან/და კეთილმოწყობას, საერთო სარგებლობის შენობების აღჭურვას, ან/და გრძელვადიანი სარგებლობის ტექნიკის შესყიდვა-აღჭურვას.
2. დონისძიება, რომელიც აკმაყოფილებს ამ მუხლის პირველი პუნქტით განსაზღვრულ მოთხოვნას, აგრეთვე, მიზანშეწონილია, აკმაყოფილებდეს მინიმუმ ერთ-ერთ შემდეგ კრიტერიუმს:



- ა) განსახორციელებელი პროგრამ(ებ)ის დადებითი სოციალურ-ეკონომიკური ეფექტი უნდა აისახებოდეს სოფლის მოსახლეობის უმრავლესობაზე;
  - ბ) პროგრამის ფარგლებში შესყიდული სამუშაო, საქონელი ან/და მომსახურება მიმართული უნდა იყოს სოფლის მოსახლეობის უმრავლესობის მატერიალური, ყოფითი ან/და სოციალურ-ეკონომიკური მდგომარეობის გაუმჯობესებისაკენ;
  - გ) სამუშაოთა შესასრულებლად, მაქსიმალურად უნდა დასაქმდეს შესაბამისი სოფლის (ამ მუხლის მე-3 პუნქტით გათვალისწინებულ შემთხვევაში - სოფლების) მოსახლეობა.
3. საერთო ინტერესების გათვალისწინებით, დასაშვებია, რამდენიმე სოფლისათვის გამოყოფილი თანხის გაერთიანება ამ სოფლების საერთო პრობლემის (მაგალითად, სასმელი ან სარწყავი წყლის სისტემები და სხვა) გადასაწყვეტად.

#### მუხლი 4. პროგრამით გათვალისწინებული თანხის ათვისების პროცედურა

1. პროგრამით გათვალისწინებული თანხის გადარიცხვა, შესაბამისი მუნიციპალიტეტის ბიუჯეტში, საქართველოს ფინანსთა სამინისტროს მიერ, ხორციელდება საქართველოს მთავრობის განკარგულების საფუძველზე.
2. ამ მუხლის პირველი პუნქტით გათვალისწინებული თანხის მიზნობრივად და ეფექტიანად გამოყენებისთვის პასუხისმგებელია შესაბამისი მუნიციპალიტეტი, რომელიც უზრუნველყოფს პროექტების განსახორციელებლად სამუშაოების, საქონლისა და მომსახურების სახელმწიფო შესყიდვას, კანონმდებლობით დადგენილი წესითა და პროცედურების შესაბამისად.
3. 2012-2014 წლებში, შესაბამისი წლის სოფლის მხარდაჭერის პროგრამის ფარგლებში, მუნიციპალიტეტების ბიუჯეტებში დარჩენილი თანხა შესაძლებელია, გამოყენებულ იქნეს ამ პროგრამის მე-3 მუხლის პირველი პუნქტით განსაზღვრული ღონისძიებ(ებ)ისათვის, ამ პროგრამით დადგენილი წესის შესაბამისად.

#### მუხლი 5. პროგრამის შესრულების კოორდინაცია და მონიტორინგი

1. პროგრამის მიმდინარეობისა და შესრულების საერთო კოორდინაციასა და მონიტორინგს ახორციელებს სამინისტრო.
2. სამინისტრო უფლებამოსილია, საჭიროების მიხედვით, პერიოდულად მოითხოვოს ინფორმაცია მუნიციპალიტეტებიდან პროგრამის შესრულების მიმდინარეობის შესახებ. სამინისტრო ახდენს ინფორმაციის შესწავლას, ანალიზს და შესაბამის ინფორმაციას წარუდგენს საქართველოს მთავრობას ორჯერ - არა უგვიანეს 2015 წლის 20 ივლისისა და 2015 წლის 31 დეკემბრისა.



## საქართველოს მთავრობის განკარგულება

№506 2015 წლის 12 მარტი ქ. თბილისი

სოფლის მხარდაჭერის პროგრამის ფარგლებში, საქართველოს სახელმწიფო ბიუჯეტიდან ადგილობრივი თვითმმართველი ერთეულებისათვის თანხის გამოყოფის შესახებ

1. „საქართველოს 2015 წლის სახელმწიფო ბიუჯეტის შესახებ“ საქართველოს კანონის მე-18 მუხლის მე-3 და მე-4 პუნქტების საფუძველზე და „სოფლის მხარდაჭერის პროგრამის დამტკიცების შესახებ“ საქართველოს მთავრობის 2015 წლის 19 თებერვლის №67 დადგენილების შესაბამისად, საქართველოს ფინანსთა სამინისტრომ, საქართველოს რეგიონებში განსახორციელებელი პროექტების ფონდიდან, „სოფლის მხარდაჭერის პროგრამისათვის“, ადგილობრივ თვითმმართველ ერთეულებს გამოუყოს 50 000 000 (ორმოცდაათი მილიონი) ლარი, დანართის შესაბამისად.
2. განკარგულების დანართით გათვალისწინებულმა ადგილობრივმა თვითმმართველმა ერთეულებმა უზრუნველყონ გამოყოფილი თანხების წარმართვა „სოფლის მხარდაჭერის პროგრამის დამტკიცების შესახებ“ საქართველოს მთავრობის 2015 წლის 19 თებერვლის №67 დადგენილების შესაბამისად.

პრემიერ-მინისტრი



ირაკლი ღარიბაშვილი



N	თვითმმართველი ერთეულის დასახელება	თანხა (ლარში)
1	ნინოწმინდის მუნიციპალიტეტი	543,087
2	ბორჯომის მუნიციპალიტეტი	428,866
3	ახალქალაქის მუნიციპალიტეტი	1,067,602
4	ახალციხის მუნიციპალიტეტი	650,590
5	ასპინძის მუნიციპალიტეტი	277,262
6	ადიგენის მუნიციპალიტეტი	545,017
7	გორის მუნიციპალიტეტი	2,067,836
8	ქარელის მუნიციპალიტეტი	1,035,269
9	კასპის მუნიციპალიტეტი	1,045,693
10	ხაშურის მუნიციპალიტეტი	855,226
11	დუშეთის მუნიციპალიტეტი	1,514,172
12	ყაზბეგის მუნიციპალიტეტი	246,438
13	მცხეთის მუნიციპალიტეტი	1,080,569
14	თიანეთის მუნიციპალიტეტი	482,445
15	ბოლნისის მუნიციპალიტეტი	1,259,243
16	წალკის მუნიციპალიტეტი	532,806
17	დმანისის მუნიციპალიტეტი	659,778
18	გარდაბანის მუნიციპალიტეტი	1,553,587
19	მარენულის მუნიციპალიტეტი	1,999,451
20	თეთრიწყაროს მუნიციპალიტეტი	714,804
21	ახმეტის მუნიციპალიტეტი	762,786
22	დედოფლისწყაროს მუნიციპალიტეტი	443,529
23	გურჯაანის მუნიციპალიტეტი	1,095,561
24	ყვარელის მუნიციპალიტეტი	548,821
25	ლაგოდეხის მუნიციპალიტეტი	1,087,812
26	საგარეჯოს მუნიციპალიტეტი	1,012,296
27	სიღნაღის მუნიციპალიტეტი	692,633
28	თელავის მუნიციპალიტეტი	911,070
29	ბაღდათის მუნიციპალიტეტი	483,891
30	წყალტუბოს მუნიციპალიტეტი	1,064,229
31	ჭიათურის მუნიციპალიტეტი	991,344
32	საჩხერის მუნიციპალიტეტი	968,506
33	სამტრედიის მუნიციპალიტეტი	706,294



N	თვითმმართველი ერთეულის დასახელება	თანხა (ლარში)
34	თერჯოლის მუნიციპალიტეტი	834,640
35	ტყიბულის მუნიციპალიტეტი	432,140
36	ვანის მუნიციპალიტეტი	691,558
37	ხარაგაულის მუნიციპალიტეტი	767,473
38	ხონის მუნიციპალიტეტი	506,466
39	ზესტაფონის მუნიციპალიტეტი	1,067,504
40	ამბროლაურის მუნიციპალიტეტი	455,730
41	ცაგერის მუნიციპალიტეტი	473,624
42	ლენტეხის მუნიციპალიტეტი	335,019
43	ონის მუნიციპალიტეტი	308,718
44	ჩოხატაურის მუნიციპალიტეტი	627,577
45	ლანჩხუთის მუნიციპალიტეტი	817,447
46	ოზურგეთის მუნიციპალიტეტი	1,342,237
47	აბაშის მუნიციპალიტეტი	554,604
48	წალენჯიხის მუნიციპალიტეტი	895,439
49	ჩხოროწყუს მუნიციპალიტეტი	586,319
50	მარტვილის მუნიციპალიტეტი	1,148,719
51	მესტიის მუნიციპალიტეტი	769,039
52	სენაკის მუნიციპალიტეტი	672,400
53	ხობის მუნიციპალიტეტი	840,964
54	ზუგდიდის მუნიციპალიტეტი	1,760,091
55	ქედის მუნიციპალიტეტი	552,202
56	ქობულეთის მუნიციპალიტეტი	1,399,930
57	შუახევის მუნიციპალიტეტი	606,372
58	ხელვაჩაურის მუნიციპალიტეტი	1,316,214
59	ხულოს მუნიციპალიტეტი	909,061
სულ ჯამი		50,000,000